



Tel: 035/668 650

Fax: 035/668 672

Broj: 02-45-1496/22

Čelić, 24.06.2022. godine

A. Izetbegovića 60-2, 75246 Čelić

E-mail: info@opcinacelic.ba

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14), člana 16. Pravilnika o postupku javnih nabavki roba, usluga i radova u Općini Čelić, broj: 02-45-901/21 od 16.03.2021. godine i člana 39. Statuta Općine Čelić („Službeni glasnik Općine Čelić“ broj: 3/17), na Preporuku Komisije za nabavku broj: 02-45-1496/22 od 24.06.2022. godine, u postupku javne nabavke radova „Sanacija Doma u MZ Šibošnica, općina Čelić“, Općinski načelnik donosi:

ODLUKU ***o izboru najpovoljnijeg ponuđača***

Član 1.

Prihvata se Preporuka Komisije za javnu nabavku broj: 02-45-1496/22 od 24.06.2022.godine i Ugovor o izvođenju radova „Sanacija Doma u MZ Šibošnica, općina Čelić“, dodjeljuje se ponuđaču d.o.o. „Papilon“ Koraj-Čelić, ponuda broj: 61/22, zaprimljena na protokol ugovornog organa dana 16.06.2022.godine, po ponuđenoj cijeni, a nakon održane e-aukcije, u iznosu od 124.872,00 KM bez PDV-a.

Član 2.

Ponuđač iz člana 1. ove Odluke je u ponudi broj: 61/22 dostavio originale ili ovjerene kopije dokumentacije navedene u Tenderskoj dokumentaciji broj: 02-45-1496/22 od 11.05.2022.godine te Izmjeni tenderske dokumentacije od 17.05.2022.godine.

Član 3.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 4.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14), istovremeno sa upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-45-1496/22 od 10.05.2022.godine. Javna nabavka radova „Sanacija Doma u MZ Šibošnica, općina Čelić“ provedena je putem otvorenog postupka. Procijenjena vrijednost javne nabavke iznosila je 125.000,00 KM bez PDV-a. Obavještenje o nabavci broj: 306-1-3-51-3-18/22 od 11.05.2022.godine, odnosno Ispravka Obavještenja o nabavci broj: 306-1-3-

51-8-21/22 od 17.05.2022.godine, odnosno Ispravka za Obavještenja o nabavci broj: 306-1-3-51-8-22/22 objavljeno je na Portalu javnih nabavki 17.05.2022.godine.

Komisija za javne nabavke imenovana Rješenjem broj: 02-45-1496/22 od 10.05.2022.godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14), dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-1496/22 od 16.06.2022.godine, Preporuku o izboru najpovoljnijeg ponuđača broj: 02-45-1496/22 od 24.06.2022.godine i Izvještaj o radu komisije broj: 02-45-1496/22 od 24.06.2022.godine.

U postupku po Izvještaju o radu je utvrđeno da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku javne nabavke pristiglo ukupno šest ponuda i to:
 - d.o.o. „Džena“ Gradačac, „Braća Karić“ d.o.o. Zenica, „Asilt ing“ d.o.o. Gradačac, „Ratkovići“ d.o.o. Ratkovići, d.o.o. „Papilon“ Koraj-Čelić i „Astra Plan“ d.o.o. Brčko,
- da je blagovremeno primljeno šest ponuda,
- da nije bilo neblagovremeno primljenih ponuda,
- da ponude ponuđača d.o.o. „Džena“ Gradačac, „Asilt ing“ d.o.o. Gradačac, d.o.o. „Papilon“ Koraj-Čelić i „Astra Plan“ d.o.o. Brčko ispunjavaju kvalifikacione uslove predviđene Tenderskom dokumentacijom,
- da ponude ponuđača „Braća Karić“ d.o.o. Zenica i „Ratkovići“ d.o.o. Ratkovići ne ispunjavaju kvalifikacione uslove predviđene Tenderskom dokumentacijom, te su iste ocijenjene kao neprihvatljive.

- **„Braća Karić“ d.o.o. Zenica**

Tačkom 3.3.2 Dokazi za ispunjavanje uslova ekonomske i finansijske sposobnosti ponuđača Tenderske dokumentacije određeno je sljedeće:

Ocjena ekonomskog i finansijskog stanja ponuđača će se izvršiti na osnovu sljedeće izjave i dokumenata:

a) Uvjerenje Centralne banke BiH sa spisakom aktivnih bankovnih računa koje ponuđač ima otvorene kod komercijalnih banaka. Uvjerenje Centralne banke ne smije biti starije od tri mjeseca od dana podnošenja ponude i dostavlja se kao obična kopija,

b) Potvrde poslovnih banaka kod kojih ponuđač ima otvorene račune da transakcijski računi ponuđača nisu bili u blokadi u periodu proteklih 6 (šest) mjeseci računajući od datuma izdavanja potvrde. Potvrda banke ne smije biti starija od tri mjeseca računajući od dana predaje ponude i dostavlja se kao obična kopija.

Pregledom i ocjenom ponude ponuđača „Braća Karić“ d.o.o. Zenica Komisija je utvrdila da je ponuđač na stranici 15. Dostavio Izvještaj o računima poslovnog subjekta, a na stranici 17. Potvrdu o solventnosti. Iz izvještaja o računima poslovnog subjekta je vidljivo da ponuđač ima više transakcijskih računa a Potvrdu o solventnosti je dostavio za samo Glavni račun.

Kako je TD traženo potvrde poslovnih banaka kod kojih ponuđač ima otvorene račune da transakcijski računi ponuđača nisu bili u blokadi u periodu proteklih 6 (šest) mjeseci računajući od datuma izdavanja potvrde, ponuđač nije ispunio uslov tražen TD.

Imajući u vidu navedeno, Komisija je jednoglasno odlučila da ponuda ponuđača „Braća Karić“ d.o.o. Zenica nije potpuna i ne ispunjava zahtjeve iz Tenderske dokumentacije, te je ocijenjena kao neprihvatljiva, i u skladu s članom 68. stav (4) tačka i) Zakona o javnim nabavkama se odbacuje.

• **„Ratkovići“ d.o.o. Ratkovići**

Tačkom 3.4.2 Tenderske dokumentacije u svrhu ispunjavanja uslova tehničke i profesionalne sposobnosti zahtijevano je sljedeće:

a) Ponuđači su dužni u ponudi dostaviti Spisak izvršenih ugovora koji su u vezi s predmetnom nabavkom za period od posljednjih 5 (pet) godina ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od 5 (pet) godina, sa ukupnim vrijednosnim iznosima, datumima i primaocima, uz osiguranje potvrde za najmanje 1 (jedan) uspješno izvršen ugovor, koji su izdali primaoci (druga ugovorna strana), a čiji su karakter i kompleksnost slični predmetu nabavke i čija je vrijednost nabavke u minimalnom iznosu 100.000,00 KM bez PDV-a.

Ponuđač „Ratkovići“ d.o.o. Ratkovići u ponudi na stranici 72. dostavio je Potvrdu o uspješnoj realizaciji ugovora sa uslovima traženim u TD, ali isti nije dostavio Spisak izvršenih ugovora koji su u vezi s predmetnom nabavkom za period od posljednjih 5 (pet) godina ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od 5 (pet) godina, sa ukupnim vrijednosnim iznosima, datumima i primaocima.

Članom 48. stav 2) Zakona o javnim nabavkama BiH propisano je sljedeće: „Ako ugovorni organ zahtijeva dokaz o uredno izvršenim ugovorima, taj dokaz podnosi se u formi spiska izvršenih ugovora uz potvrdu koju daje druga ugovorna strana o njihovoj realizaciji. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.“

Navedeni član propisuje da se navedeni uslovi moraju ispuniti kumulativno.

Imajući u vidu navedeno, Komisija je jednoglasno odlučila da ponuda ponuđača „Ratkovići“ d.o.o. Ratkovići nije potpuna i ne ispunjava zahtjeve iz Tenderske dokumentacije, te je ocijenjena kao neprihvatljiva, i u skladu s članom 68. stav (4) tačka i) Zakona o javnim nabavkama se odbacuje.

2. Tačkom 4.1 Tenderske dokumentacije određeno je sljedeće:

Ponude se pišu neizbrisivom tintom.

Pregledom i ocjenom ponude ponuđača „Ratkovići“ d.o.o. Ratkovići Komisija je utvrdila da je ponuđač ANEKS 1- OBRAZAC ZA PONUDU, kompletan popunio običnom olovkom-izbrisivom običnom gumicom za brisanje.

Imajući u vidu navedeno, Komisija je jednoglasno odlučila da ponuda ponuđača „Ratkovići“ d.o.o nije potpuna i ne ispunjava zahtjeve iz Tenderske dokumentacije, te je ocijenjena kao neprihvatljiva, i u skladu s članom 68. stav (4) tačka i) Zakona o javnim nabavkama se odbacuje.

3. Tačkom 4.1 Tenderske dokumentacije određeno je sljedeće:

Ponude se pišu neizbrisivom tintom.

Pregledom i ocjenom ponude ponuđača „Ratkovići“ d.o.o. Ratkovići Komisija je utvrdila da je ponuđač stranice označene brojevima od 1. do 25. (od prve do dvadesetpete stranice) i od 26. do 46. (od dvadesetšeste do četrdesetšeste stranice), označio običnom olovkom-izbrisivom običnom gumicom za brisanje.

Imajući u vidu navedeno, Komisija je jednoglasno odlučila da ponuda ponuđača „Ratkovići“ d.o.o nije potpuna i ne ispunjava zahtjeve iz Tenderske dokumentacije, te je ocijenjena kao

neprihvatljiva, i u skladu s članom 68. stav (4) tačka i) Zakona o javnim nabavkama se odbacuje.

Pregledom i ocjenom ponuda nisu uočene računске greške kod ponuđača.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 23.06.2022. godine u 13:00 h. Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije 23.06.2022. godine u 13:15 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponudene cijene, a po kojoj je najpovoljnija ponuda ponuđača: d.o.o. „Papilon“ Koraj-Čelić sa najnižom ponuđenom cijenom od 124.872,00 KM bez PDV-a.

Komisija je nakon ocjene ponuda i izvršene e-aukcije dana 24.06.2022. godine dala preporuku ugovornom organu da ugovor o izvođenju radova zaključi sa ponuđačem d.o.o. „Papilon“ Koraj-Čelić sa najnižom ponuđenom cijenom u iznosu od 124.872,00 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Iz navedenih razloga, primjenom člana 64. stav (1). tačka b) Zakona o javnim nabavkama Bosne i Hercegovine („Službeni glasnik BiH“ broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.

OPĆINSKI NAČELNIK

Admir Hrustanović, dipl. oec

Dostavljeno:

1. Ponuđačima (6x)
2. Komisiji za nabavke
3. Službi za računovodstvene, poslove trezora, privredu i razvoj
4. Za općinsku web stranicu
5. Evidenciji
6. Arhivi

